

Luggefiller im Lockdown

Scho s`ganze Jahr hogsch nur dehai
sesch d`Lüt am PC aber sunscht blybsch ellai
drum duet mehs Läbe halt mit anderem versiesse
und probiert dä ganzy Scheiss halt so bitz gniesse
doch eifach gsait was könnte mach mache in däre Zyt
mit ybigstunde gmeinsam kunsch grad nit sehr wyt
d`Fasnacht isch und blybt doch immer in mym Härz
Doch keini mache bringt e riesegrosse Schmärz
Drum duet meh d`Wohnig komplett Neu Designe
Material im Baumärkt hole aber offe het e kaine
Also wird das Material im Netzt halt bstellt
8 Wuche Lieferfrischt den wird's per Post zugstellt
Denn kunnt e Mäldig es haig kei Wyss
Nur no Pink, au schön, drum mach kei gschyss
Au für dr Garte syn dyhni Pföschte nohnig koh
Kunnt erscht im 2022 das macht die au nit froh
Also dänksch den mach ich my Stürerklärig eimol pünktlig
zieh Köschte fürs Homoffice ab by jo gründlig
Denn merksch kasch gar kei Abzug für dä Blödsinn mache
drumm legsch es wieder zu de unerledigte Sache
Ich könnt doch Türrahme vorem stryche no schlieffe
muesch nit mol zum 80er Schlyffpapier gryffe
well diehni Händ syn vom Desimittel Spröd und rau
Also drei mol drüber vo Hand das längt denn au
S' Resultat das macht die richtig froh
doch blöd isch numme Farb isch nohni ko
drum duet meh halt wie jede Tag
öppis gsunds koche fürs z`Mittaag

und well de vom Putze bisch besässe
kasch die Fuetter sogar vom Bode ässe
und öppis schaffe sohtsch schyns au
doch erreiche duesch kei Sau
und hesch denn mol e Video-Call
sesch alli unfrisiert und in Leggins isch au nit toll
ich frog my gits au Highlith-Sache
wo meh in der Pandemie ka drüber lache
Denn dänk ich an dr Bundesrot
und lach my jedesmol fascht z'Tod
denn was die Pföschte dört verzelle
vo Impfstoff, no us unbekante Quelle
dass seit mir wieder kunnt nit guet
well au dä Impfstoff am Schluss halt fähle duet
Drum bstellet doch in Russland das wär e Hit
Die ganzy Schwyz gimpft mit em Sputt-eeenik
Näbewirkige vo däm Preparat
Laufsch nach 3 Fläsche Wodka immer no grad
Am Schluss vo däre ganze Gschicht
dänksch langsam bi auch ich nümme dicht
denn hogsch dehai wieder an PC dra
und alles foht wieder vo vorne a
drumm diehn mir jetzt au nümme Schimpfe
und löhn uns alli sofort impfe
egal mit was und wie und wo
Hauptsach dä Stoff kasch Yihneloh
denn git's e Fasnacht schyns fescht versproche
und em Bebbi sy Härz wird nümme broche